

# JARIBIO LA MTIHANI

DARASA LA NANE - MWAKA 2019

## KISWAHILI: LUGHA



001

8

SEHEMU YA KWANZA : LUGHA

Muda: Saa 1 Dakika 40

SOMA MAAGIZO HAYA KWA MAKINI

1. Umepewa kijikaratasi hiki cha maswali na karatasi ya majibu. Kijikaratasi hiki kina maswali 50.

2. Katika karatasi ya majibu hakikisha umeandika:-

(i) Jina lako

(ii) Jina la shule yako

Kifungu kifuatacho kina nafasi 1 hadi 15. Chagua jibu lililo bora zaidi kujaza pengo.


Alijaribu kuwa fafanulia pia kuwa rai kwamba mambo duni hufanywa kwa 4 lakini hawakuweza ku 5. Ndugu wakaingiwa na 6 na wazee nao waka 7 juu ya 8 hao wawili wasiotaka ku 9 madhara yatakayowakabili wasipotaka ku 10.

- |     |               |               |                 |               |
|-----|---------------|---------------|-----------------|---------------|
| 1.  | A. bainisha   | B. fafanulia  | C. fahamisha    | D. potosha    |
| 2.  | A. sihi       | B. rai        | C. bembeleza    | D. kemea      |
| 3.  | A. duni       | B. aali       | C. adhimu       | D. bora       |
| 4.  | A. pupa       | B. asteaste   | C. polepole     | D. taratibu   |
| 5.  | A. afikiana   | B. elewana    | C. kubaliana    | D. shutumiana |
| 6.  | A. wahaka     | B. fazaa      | C. buraha       | D. hofu       |
| 7.  | A. foka       | B. ghadhibika | C. hamaki       | D. tabasamu   |
| 8.  | A. wandani    | B. hasimu     | C. sahibu       | D. marafiki   |
| 9.  | A. tadbiri    | B. vumilia    | C. pima         | D. zingatia   |
| 10. | A. patanishwa | B. suluhishwa | C. sikizanishwa | D. zozanishwa |

Watazamaji 11 mechi baina ya timu hizo mbili ambazo 12 kwani zilienda sare 13. Lakini alipopiga 14 papo hapo vurumai ikaanza, kukawa pata 15.

- |     |                  |                  |                 |                  |
|-----|------------------|------------------|-----------------|------------------|
| 11. | A. walishangaa   | B. walishangilia | C. walishangiza | D. walishangaza  |
| 12. | A. hazikufungana | B. hazikufunga   | C. hazikufungwa | D. hazikufuniana |
| 13. | A. tosha         | B. sufuri        | C. bila         | D. tasa          |
| 14. | A. hatua         | B. kofi          | C. kipenga      | D. mayowe        |
| 15. | A. pata          | B. chako         | C. ulipatalo    | D. shika         |

Kutoka swali la 16 mpaka 30, chagua jibu lililo sahihi.

16. Ni methali ipi yenye maana sawa na:  
**Bendera hufuata upepo.**  
A. mwenye macho haambiwi tazama.  
B. mpanda ngazi hushuka.  
C. maji hufuata mkondo.  
D. damu ni nzito kuliko maji.
17. Udogo wa **mbuzi** ni  
A. kijimbuzi. B. jibuzi  
C. kibuzi D. kimbuzi
18. Nafasi iliyotengenezwa ukutani kuwekea vitu ni:  
A. shubaka B. rafu  
C. pazia D. dari
19. Hili ni umbo gani?
- 
- A. Nyota B. Sayari  
C. Kipenyo D. Hilali
20. Ni sentensi ipi yenye **ki** ya kielezi.  
A. jaza ya ihsani ni ihsani  
B. ya mkiwa haizai nyike  
C. watende wao, wakitenda wenzi wao iwe mwao  
D. sicheze na tazo itakuvuaza
21. Kazi yangu ni kuwatetea washtakiwa mahakamani, mimi ni?  
A. Hakimu B. Wakili  
C. Karani D. Mhariri
22. Utamwitaje ndugu wa kike wa mumeo?  
A. Ami B. Mwamu.  
C. Umbu D. Wifi.

23. Chagua wingi wa sentensi:  
**Hakudhania kwamba nitamshinda**  
A. Hawakudhania kwamba tutawashinda.  
B. Hawakudhania kwamba nitamshinda.  
C. Hawakudhania kwamba ningemshinda.  
D. Hawakudhania kwamba tutamshinda.
24. Mtu akikuambia "alamsiki." utamjibu?  
A. Buheri. B. Binuru.  
C. Hongera. D. Makiwa.
25. Andika kinyume cha sentensi ifuatayo:  
Baba atarudi kesho asubuhi  
A. Baba hatarudi kesho asubuhi.  
B. Mama aliondoka jana jioni.  
C. Mama aliondoka jana Asubuhi.  
D. Baba hataondoka kesho asubuhi.
26. Andika tarakimu:  
Milioni sabini na saba, mia tatu na tano elfu mia sita na sita  
A. 773 005 606 B. 707 305 606  
C. 77,305 606 D. 7 735 606
27. Uhabeshi ni:  
A. Ethiopia B. Malawi.  
C. Ghana D. Eritrea
28. Lo! lile ni joka kubwa sana Neno Lo! ni  
A. kionyeshi B. kiulizi  
C. kisisitizi D. kihisishi
29. Piga moyo konde ni:  
A. kujua B. kujipiga msasa  
C. kujikaza D. kujidhulumu
30. Hakimu wa kiislamu huitwaje?  
A. Jaji. B. Kadhi.  
C. Mwadhini. D. Sheikh.

Soma kifungu kifuatacho kisha ujibu maswali 31-40

Kiwanda cha umoja cha kutengeneza viatu vya aina ya ndara kilichoko Mtwapa, Kaskazini mwa Mombasa, kimekuwa na maendeleo mazuri kwa sababu ya usimamizi mzuri, jitihada za wafanyikazi na ubora wa viatu vyake,

Ajabu ni kwamba kiwanda hiki kilifunguliwa miaka mitano tu iliyopita lakini kwa siku moja kinaweza kutengeneza viatu jozi elfu kumi na tatu na mia tatu. Pia inasemekana kwamba kwa mwezi kiwanda hicho kinaweza kutoa zaidi ya viatu jozi laki tatu na elfu tisini na tisa. Ubora wa viatu vyenyewe vimefanya viatu hivyo viuzike kwa urahisi hata nchi za ng'ambo kwani kizuri chajiuza chenyewe.

Marupurupu wanayopewa wafanyikazi, ni moja kati ya motisha zinazotumika kiwandani. Matibabu na elimu ya watoto wa wafanyakazi hao, pia hushughulikiwa vilivyo. Ndiposa wafanyakazi hao, wasiopungua dazeni kumi na mbili, wako tayari kufanya kazi usiku na mchana pindi wanapotakiwa kufanya hivyo, kwani wanajua kwamba "Ushikwapo shikamana."

31. Viatu vya ndara ni viatu vya  
A. kijeshi B. kanda mbili  
C. kutembelea D. wanawake
32. Sababu zinazofanya kiwanda cha umoja kufaulu ni  
A. 3 B. 4  
C. 5 D. 6
33. Kiwanda cha umoja  
A. kiko kusini mwa Mombasa  
B. kina wafanyikazi mitano  
C. kinatoa viatu aina nyingi  
D. kinauza viatu hata nchi nyinginezo
34. Kwa mwezi kiwanda hiki kinatengeneza viatu  
A. 399,000 B. 30000  
C. 309,900 D. 3990000
35. Maliza methali  
**Kizuri chajiuza**  
A. kwa bei nzuri  
B. kwa bei ghali  
C. na watu hukipigania  
D. kibaya chajitembeza
36. Idadi ya wafanyikazi kiwandani ni  
A. 12 B. 102  
C. 144 D. 13,300
37. Marupurupu ni malipo ya juu juu. Pesa anazotozwa mtu kwa kumtoa damu mwingine zinaitwa  
A. karadha B. fichuo  
C. kiokozi D. arshi
38. Sababu inayowafanya wafanyakazi wa kiwanda hicho kuwa tayari kufanya kazi usiku na mchana ni  
A. kule kutazamwa vizuri  
B. kutaka pesa zaidi  
C. kuogopa kushikwa wakigoma  
D. kwa kuwa ni wengi
39. Viatu vya kiwanda hiki vinauzika kwa wingi kwa sababu  
A. wafanyakazi ni wengi  
B. Bei yake ni rahisi  
C. viatu vyenyewe ni vizuri  
D. vinauzika huko ng'ambo
40. Maana ya methali "Ushikwapo shikamana," ni  
A. ukishikwa usibishane, kubali  
B. ukishikwa shindana, usikubali  
C. usikubali kushikwa ovyoovyoo  
D. unaponufaishwa patunze

Soma shairi lifuatalo kisha ujibu maswali 41-50

Moyo wanambia penda, mtu mjinga sipende,  
Mjinga ukimpenda, hajui nini atende,  
Moyo wanambia tenda, lisilo tendwa sitende,  
Fanya wanavyotenda, wenzio wasikushinde.

Moyo wanambia imba, wimbo mbaya siimbe,  
Imba wimbo wa kupamba, uwa pambaze wakembe,  
Moyo wanambia omba, ombi ovu usiombe,  
Omba Mungu muumba, dhiki asifanye chembe.

Moyo wanambia meza, kinachokwama simenze,  
Kinachokwama kumeza, kinaywani sielekeze,  
Moyo wanambia uza, roho yake usiuze,  
Fanya unavyoweza, neno hili jikataze.

Moyo wanambia cheza, michezo mbi sicheze,  
Cheza wa kupendeza, wenzio wakuigize,  
Moyo wanambia kaza, bidii usipunguze,  
Usipunguze kuwaza, mawazoni jiingize.

Moyo wanambia kana, neno la kweli sikane,  
Kweli unapiona, fanya bidii unene,  
Moyo wanambia chuna, ngozi yako usichune,  
Japo nyeusi sana, bora kuliko nyingine.

41. Katika ubeti wa kwanza  
A. moyo wanakanya mtunzi kumpenda mjinga.  
B. Moyo wanakanya mtunzi asimpende mjinga.  
C. Moyo wanambia mtunzi atende kama wenzake.  
D. Mtunzi asema ukimpenda mjinga, hujui unachofanya.
42. Mtunzi anasema  
A. wimbo mbaya unaweza kukutanda  
B. umwimbie Mungu muumba  
C. meza kila kinachoweza kukusakama  
D. uendeleze uwezo wa kufikiri na kutafakari

43. Mshairi anasema kwamba  
A. kucheza kuwe bora  
B. bora kucheza  
C. fanya bidii uwe mnene lakini usichune ngozi  
D. kana neno lolote
44. Shairi hili ni la aina ya \_\_\_\_\_  
A. tathlitha B. taklimisa  
C. tarbia D. tathnia
45. Kifungu kimoja cha shairi huitwa  
A. mshororo B. mizani  
C. kibwagizo D. ubeti
46. Kibwagizo cha ubeti wa nne kina mizani mingapi?  
A. 16 B. 15  
C. 4 D. 8
47. Chagua mpangilio sahihi wa vina vya kati na vya mwisho katika ubeti wa tatu wa shairi hili  
~~A. za-ze~~ B. nda-nde  
C. na-ne D. mba-mbe
48. Kwa mujibu wa shairi, neno makembe ni sawa na  
A. wazembe B. watoto  
C. watu D. wapumbavu
49. Bingwa wa kutunga nyimbo huitwa manju, naye bingwa wa kutunga mashairi huitwa  
A. sogora B. manju  
C. malenga D. mutribu
50. Anwani mwafaka kwa shairi hili ni  
A. Moyo  
B. Manju  
C. Moyo wanambia  
D. Moyo wanambia panda